

Gwetaanibwezo

Debaajmod: Alvin Ted Corbiere

Gaa-nishnaabewisidood: Alan Corbiere

Gaa-naawbiiged: Evelyn Roy

Mii wa waa-dbaajmag bezhgoogzhii, gaa-naabmagba ngoding
kizheb oo-shamaawsang, oo-shamagwaa giwi bezhigoogzhiig.

Mii ko wa kiwenziinh-ba gaa-kidod “Ntam go da-wiisniwag
giwi bezhgoogzhiig jibwaa-wiisniying kizheb. Ka-shamaag
jibwaa-oo-nokiiwaad.” Mii’sh ngoding oodi kizheb zhaayaan
ookaangamgong, Mii gaa-zhi-waabmag wa bezhigoogzhii,
Bezhig wa bezhgoogzhii, niizh gii-yaawag. Mkadeyaatig. Aapji
boozam mkadewizi wa. Mii dash wi gaa-zhi-waabmag bi-
biindigeyaanh ookaangamgong. Aapji go gwetaan-bweza.

Mii go zhiwi aanind eni-zhi-waawaabshkishing zhiwi yaapiiti-
bwezod. Miinwaa aapji go weweni kaabiig-,

Kaadeyaabii’gnigaadenoona niwi omiinziisan

Kaabiignigaadenoona miinziisan iidig mii zhi-ni-bskaabiiyaanh
gaa-zhi-wiindmawag kiwenzii-ba gaa-oo-naabmag wa

bezhgoogzhii. Mii’sh gaa-kidod wi, “Mji-mnidoo sa wa, gaa-bi-

naanaad niwi,” gii-kida. Gii-bi-daawngenan wii-bbaa dbi gaa-
zhaagwenh gaaawii giikendziin gii-bskaabwinaan’sh wii go
iidig niwi gchi-kizheb go naa maanda geyaabi go gwetaani-
bweza wa bezhigoogzhii. Mii wa gaa-oo-naabmagba aw mii wi
shkintam genii gii-waabmag wi zhinaagzid wi. Ngii-
maamkaadendam weweni gaa-zhi-kaad-, kaadaabiignind wa,
kaadenind, kaadenigaadenoona niwi omiinziisan. Mii wi.